



Contrat Burning Mountain

Dals 27 gün fin als 1. lügl 2018 ha lö a Zernez il festival da Burning Mountain. Il contrat chi regla tuot ils detagls e las pretaisas davart dal cumün invers l'organisatur es gnü approvà.

Via Maistra Zernez – surdatta da lavurs

La suprastanza cumünala ha surdat las lavurs d'indschegner da fabrica per la progettaziun da l'infrastructura a la firma Caprez Ingenieure SA a Zernez.

Radunanza cumünala dals 28 gün 2018

La glista da tractandas per la radunanza cumünala dals 28 gün es gnüda approvada. A quista radunanza vain preschantà il rendaquint 2017 e trais progets cun la dumonda da credit supplementar. Ün'ulteriura tractanda es la dumonda da preparaziun e deliberaziun d'üna revisiun da la planisaziun locala illa fracziun da Zernez per pussibilitar il müdamaint da zonas regard il proget da la chasa da scoula a Zernez.

Scoula cumünala - maisa da mezdi

L'incumbenza per manar la maisa da mezdi pels scolars, es gnüda surdatta a l'Hotel Spöl a Zernez per l'on da scoula 2018/19.